

- *1- وزیر اعظم نریندر مودی نے مُلکی عوام نانہہ کہیو ہے جے وے مُلک نانہہ تقسیم کرن آلی طاقتاں غو اک جُٹ ہو غے مقابلو کریں۔
- *2- وزیر اعلیٰ عمر عبداللہ نے سال 2026 گا کھیلو انڈیا ساحلی کھیڈاں غا مرداں غا ضمہہ غی پنچیک سیلٹ چمپئن شپ مانہہ جموں کشمیر غا کھلاڑیاں غی بہتر کا رکردگی غی سراہنا کی ہے ۔
- *3- حفاظتی دستاں نے کنٹرول لائن تے بین القوامی سرحد ور اک مشکوک کبو تر پکڑیا جان جیسا حالیہ واقعات تیں بعد نگرانی مانہہ بابدو کر دتو ہے ۔
- *4- مغل شاہراہ 7 دنن توڑی بند رہن غے بعد ٹریفک واسطے فر کھول دتی گئی ہے ۔
- *5- تے کٹھوعہ غا ڈپٹی کمشنر نے بنہ ور بنکراں غی تعمیر غی پیش رفت غو جائزولیو ہے ۔

خبران غی تفصیل نال پہلاں باغ علی طاہر۔

PM Unity

وزیر اعظم نریندر مودی نے مُلکی شہریاں نانہہ کہیو ہے جے وے اک جُٹ ہو غے مُلک نانہہ تقسیم کرن غی سازش مانہہ لگی طاقتاں نانہہ ناکام بناویں۔ اس بارے گل کرتاں واں وزیر اعظم نے کہیو ۔۔ بانٹ۔۔ آج گجرات غا پر بھاس پتن غا مقام ور سوم ناتھ سوابھی مان پروو غا موقع ور بولتاں واں وزیر اعظم نے مُلکی عوام ور زور پایو ہے جے وے اپنا ماضی نانہہ یاد رکھتاں واں مونڈا نال مونڈو تے دل نانہہ دل جوڑ غے وکست بھارت غا مقصد نانہہ پوراں کرن غی خاطر آگے بدھیں۔ سوم ناتھ سوابھی مان پروو نانہہ دانمی یقین تے عقیدت غو اک متحرک عکس قرار دیتاں واں انہاں نے کہیو جے یوہ تہوار چھڑو تاریخی شان نانہہ منایا جان توڑی ہی محدود نہیں ہے۔

CM Pencake Silat

وزیر اعلیٰ عمر عبداللہ نے سال 2026 غی کھیلو انڈیا ساحلی کھیڈاں غا مرداں غا ضمہہ مانہہ پنچیک سیلٹ غا مقابلان مانہہ جموں کشمیر غا کھلاڑیاں غا دستہ غی طرفوں 2 طلا نی، 2 چاندی تے اک کانسہ غو تمغو جتن ور سراہنا کی ہے ۔ انغو کہنو تھو جے یہ حصولیابیں کھلاڑیاں غی محنت تے جموں کشمیر مانہہ کھیڈاں غا بدھتا گراف غی عکاسی کریں۔

IB Vigilance

سلامتی دستاں نے کنٹرول لائن تے بین القوامی سرحد ور پیش آیا بکھ بکھ واقعات غے بعد بنہ پار تیں سمگلینگ غا اندیشاں غے پیش نظر نگرانی مانہہ بابدو کر دتو ہے ۔ آکاشوانی جموں غا نمائندہ نے جانکاری دیتاں واں دسیو ہے جے حفاظتی دستاں نے یاہ کاروانی چھٹیاں غا دنن مانہہ دراندازی تے فائر بندی غی خلاف ورزی غا اندیشاں غے پیش نظر کی ہے ۔ اسے دوران دسیو گیو ہے جے اکھنور سیکٹر غا کنٹرول لائن غے قریب کھڑا گراں مانہہ اک مشکوک

کیو تر پکڑیو گیو ہے۔ زردی مائل خاکی رنگ غو یوہ پرندو جس غی ٹنگاں ور لال تے پیلا رنگ غا دائرہ بنیا وا ہیں، ور "رحمت سرکار" غا لفظ لکھیا پایا گیا ہیں۔ یوہ پرندو 13 بہراں غا اک لڑکا نے دیکھیو۔ عہدیداراں غو کہنو ہے جے اس کیو تر غا پراں ور مہر لگی وی ہیں تے اس نانہ مزید تحقیقات غی خاطر پلانوالا پولیس تھانہ غے سپرد کیو گیو ہے۔

Swachh Campaign

یوم جمہوریہ گا موقع ور صفائی ستھرائی غی مہم غا اک حصہ غا طور ور جموں میونسپل کارپوریشن غا کمشنر ڈاکٹر دیوانش یادو نے وارڈ نمبر 53/52/51/50 تے 54 غو دورو کر غے بڑا پیمانہ ور معائنو کیو۔ جس مانہ چھنی ہمت، چھنی، ترکوٹہ نگر ایکسٹنشن، بسنت بہار، نانک نگر تے مضافاتی علاقہ شامل ہیں۔ دورہ غے دوران ڈاکٹر یادو نے صفائی ستھرائی غا مجموعی منظر نامہ غو جائزو لیو جس مانہ سڑکاں، گلیاں، نالاں تے عوام واسطے مخصوص جگہ شامل ہیں۔ انہاں نے جاری ترقیاتی کماں غی پیش رفت غو وی جائزو لیو تے شہریاں نانہ فراہم کی جا رہی سہولیات غی دستیابی غو وی جائزو لیو۔ اخباری نمائنداں نال گل کرتاں وان کمشنر نے اس طرح کہیو۔۔ بانٹ۔

Prog Announcement

12 جنوری یعنی پلک پیشنل یوتھ ڈے 2026 غا موقع ور آکاشوانی جموں غو علاقائی خبراں غو شعبو 30 منٹ غی مدت غو اک خصوصی پروگرام نشر کرے گو۔ خصوصی نشریات غو موضوع "اپنا آپ نانہ بیدار کرو تے دنیا نانہ متاثر کرو" ہے۔ یاه خصوصی نشریات پلک 12 جنوری سومواریں دوپہر ڈھائی بجے نشر کی جائے گی۔ اس خصوصی نشریات مانہ مہاری مہمان انورادھا گپتا ڈائریکٹر جنرل محکمہ نوجوان خدمات تے کھیڈ جموں کشمیر وین گی وے پروگرام غا موضوع ور اپنا بصیرت تے ماہرانہ خیالات غو اظہار کریں گی۔ پروگرام غی میزبانی مہارا اینکر جگموبن شرما کریں گا۔

مزید خبراں نال عبدالمجید ور اس تیں پہلاں یوہ پیغام۔ (یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب ہیں، اس تیں یہ (خبر مہاری مو بائل ایپ تے ڈی ٹی ایچ ور وی دستیاب ہیں

Mughal Road

خراب موسم تے سڑک نانہ صاف کرن غا کم غے چلتیں گذشتہ 7 تہاڑا بند رہی تاریخی مغل شاہراہ اج گڈیاں غی آنو جانی واسطے کھول دتی گئی ہے۔ ایس او ٹریفک مغل روڈ انل کمار نے دسیو ہے جے گذشتہ تہاڑیں مسافراں غی حفاظت نانہ یقینی بنان غی خاطر لیا گیا احتیاطی قدم غے طور ور شاہراہ ور گڈیاں غی آنو جانی معطل کی گئی تھی، کیونجے خصوصی طور ور پیر کی گئی غا علاقہ مانہ برف باری تے تلکن ہو گئی تھی۔ انہاں نے دسیو ہے جے بن مغل شاہراہ نانہ گڈیاں غی آنو جانی واسطے کھول دتو گیو ہے، ور گڈیاں غی آمدورفت مقررہ وقت مانہ ہی وے گی تے گڈیاں نانہ سویرے ساڈھا 10 بجائیں دوپہر ڈھائی بجے تک چلن غی اجازت دتی گئی ہے۔ اس بارے مزید جانکاری دیتاں وان انہاں نے کہیو۔۔ بانٹ۔

Kathua Bunker Construction

کٹھوعہ گا ڈپٹی کمشنر راجیش شرمانے کل ضلع غا سرحدی علاقہ مانہ تعمیر کیا جا رہا بنکران غی پیش رفت غو اک میٹنگ مانہ جائزہ لیا ہے۔ آکاشوانی جموں غا نمائندہ نے جانکا ری دیتاں واں دسیو ہے جے میٹنگ غے دوران ان بنکران غی جاری تعمیر ور ہون آلی پیش رفت ، ان مانہ حائل رکا وٹاں تے باقی بچیا بنکران غا بقایا کماں غو جائزہ لیا گیا۔ واضح رہ جے ضلع کٹھوعہ غا سرحدی علاقہ مانہ بنایا جان آلا کُل 8 سو 2 بنکران وچوں 7 سو 96 بنکران غی تعمیر مکمل کر لی گئی ہے۔ کُل 8 سو 2 بنکران مانہ 7 سو 17 انفرادی جد کہ 85 اجتماع بنکر شامل ہیں۔ اس راہ ہن چھڑا 6 بنکران غی تعمیر جاری ہے ، جن مانہ 5 انفرادی تے اک اجتماع بنکر شامل ہے۔

VDC Training

قبضہ لکیر ور بدھتا دراندازی کا خطرات غے پیش نظر مقامی سطح ور سلامتی صورتحال نانہ تقویت دین واسطے اک فعال قدم چاتاں واں پونچھ پولیس نے گرائیں دفاعی کمیٹیاں وی ڈی سی گا اراکین تے حساس سرحدی علاقہ غے قریب واقع گران سلو تری ، جھولاس درہ گا بسنیکاں واسطے اک تربیتی پروگرام غو اہتمام کیو۔ علاقہ مانہ حالیہ سلامتی غا واقعات تے خفیہ اطلاعات غے پیش نظر یوہ پروگرام منعقد کیو گیا۔ اس تربیتی تقریب نال قبضہ لکیر ور موجودہ سلامتی صورتحال ور مزید توجہ مبذول کرائی ہے ، جت دراندازی غی بدھتی کوششاں با رے خدشات بدھ رہیا ہیں۔

Animal Husbandry

مال چوکھر بارے محکمو پیشیاں غی پیداواری صلاحیت کساناں غی آمدنی تے نیشنل لائیو اسٹاک مشن تے مال چوکھر غا بنیادی ڈھانچہ بارے انیمل ہسبنڈری انفراسٹرکچر ڈولمنٹ فنڈ واسطے راشٹریہ گوکل مشن جیسا اقدام غے ذریعے روزگار نانہ بدھان ور توجہ دے رہیو ہے۔ یہ اسکیم نسل غی بہتری ، چارہ غو نشو نما ، بیماریاں ور قابو پان، دودھ غی بنی چیزاں تے گوشت نانہ ڈبا بند کرن، مرغی پالن تے لوہکا کھیتاں مانہ کاروبار واسطے رعایت قرضہ تے تعاون دے تے اس غو مقصد پسماندہ ، آگے رابطہ پیدا کرن تے دودھ، انڈا ، گوشت تے آغی پیداوار مانہ بابدو کرنو ہے۔ اس طرح غی اسکیمان غو بنیادی مقصد کاروباری ترقی ، فی جانور پیداواری صلاحیت بدھانو تے مرغی پالن، لوہکی سطح ور کھیتی باڑی وغیرہ مانہ متی پیداوار حاصل کرنو ہے ، جہیڑی غیر منظم شعباں نانہ منظم منڈیاں نال جوڑے۔

Farmers Awareness Camp

جموں غا رائے پور دومانہ مانہ کساناں واسطے اک بیداری تے تربیتی کیمپ غو انعقاد کیو گیا۔ اس کیمپ غو مقصد باغبانی غا جدید طریقاں نانہ فروغ دینو تے پائیدار آمدنی پیدا کرنو تھو۔ اس تقریب مانہ رائے پور دومانہ غا کول کال غا دوجا علاقہ غا کساناں نے شرکت کی۔ اس پروگرام مانہ ایم ایل اے شام لال شرما مہمان خصوصی تھا تے ڈائریکٹر ہا رٹیکلچر جموں گل سعید، چیف ہا رٹیکلچر افسر جموں آر کے کوتوال سمیت دوجا عہدیدار ات موجود تھا۔ اس تقریب مانہ خطاب کرتاں واں ایم ایل اے شام لال شرمانے مربوط فصل غی پیداوار غی اہمیت ور زور دتو تے بکھ بکھ فصل اگان، متوازن غذائیت غا انتظام ، پانی غا موثر استعمال تے بیماری روکن غا انتظام وغیرہ غی وکالت کی۔
